



Mimi Karlsen,
Inatsisartuni ilaasortaq
Inatsisartut
/MAANI

Saarullit pillugit § 37 naapertorlugu apeqqu tip nr. 2015-204-p akineqarnera

25-08-2015
Sags nr. 2015 - 7390
Akt. nr. 882482

Inatsisartut suleriaasianni § 37, imm. 1 malillugu aalisarneq pillugu Naalakkersuisunut apeqqu teqarsimavutit. Apeqqu tigineqartut uannut akisissanngorlugit ingerlateqqinneqarsimapput.

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.naalakkersuisut.gl

Apeqqu tip:

1. Pinngortitaleriffik pillugu inatsimmi §1-imi ima allassimasoqarpoq:
“Pinngortitaleriffik, Kalaallit Nunaanni Namminersornerullutik Oqartussat pinngortitamik ilisimatusarneranni qitusoq, siunertaqarpoq Kalaallit Nunaanni eqqaanilu pisuussutinik uumassusilinnik nungukkiartuutaan-ngitsumik atuinissamut ilisimatuussutsikkut tunngavissanik pissarsi-niarnermik kiisalu avatangiisinik uumassusillillu amerlalluinnartuunerinik isumannaarinninnissamik.”
Naalakkersuisut isumaqarpat Pinngortitaleriffiup siunertani malillugit 2015-imi saarullinnut pisassanik siunnersuisimasut?
2. Sunik tunngaveqarpa Naalakkersuisut 2015-imut pisassanut siunnersuineq marloriaatinngortillugit pisassiissutigineqarnerat?
3. 2015-imi saarullittassanik pisassiinermi ilisimatusarnikkut ilisimasat suminggaaniit pissarsiat atornerqarpat?
4. Nunatsinni saarullinnik pisassanik ukioq suna killilersuisoqalersimanersoq?
5. Ukiut kingullit qulikkaar sisamat killilersuiffiusut qanoq kinguneqarsimap-pat?
6. Saarullit illersorniarlugit pisassanik killilersuineq qanoq kinguneqarsi-mava?
7. Qaqugukut takuneqarsinnaanngortarpa saarullittassanik qaffaanermi qanoq kinguneqarsimanerinek?

Akissutit:

AD 1)

Pinngortitaleriffik pisussaaffini inatsisitigut pisussaaffiusut naapertorlugit 2015-imi saarullinniarnermut biologinik siunnersuisitsisimavoq. Naalakkersuisut taamaalillutik

isumaqarput Pinngortitaleriffiup 2015-imut saarullinnut siunnersuinermini pisussaaffini naammassisimagai.

AD 2)

Naalackersuisunut pingaaruteqarpoq aalisartut ilisimasaasa biologillu siunnersuisarnerisa akornanni oqimaaqatigiinnermik pilersitsisoqassasoq, tamannalumi suleqatigiittoqarnissaanik isumaqatigiisummi taaneqarpoq: *"Pisassiissutit siunnersuutigineqartut agguanneranni biologit aalisartullu ilisimasaat assigiimmik pineqassapput"*. Naalackersuisunuttaaq pingaartorujussuuvoq suliarinnittarnerit annertusarneqassasoq, nunamilu suliffissanik pilersitsisoqarluni. Taamaammat saarullinnut pisassiissutit pissutsit arlallit aallaavigalugit aalajangersarneqarput, taakkunanilu avataasiortunut, sinerissallu qanittuani aalisartunut assigiinngitsunik isummersortoqarluni.

AD 3)

Pisassiissutinut tamanut aalajangersaanissamut ilisimatuussutsikkut tunngaviliuneqartut Pinngortitaleriffimmit Naalackersuisut tigusarpaat. Siunnersuinermi paasissutissat nunani tamalaani imaani ilisimatusarnermut aalisarnermillu aqutsisunut suleqatigiiffinniit ICES-imeersut (International Council for the Exploration of the Sea – Det internationale havforskningsråd) NAFO-meersullu (Northwest Atlantic Fisheries Organization – den nordatlantiske fiskerierorganisation) aallaavigineqarput, tasanilu kalaallit biologii Atlantikup Avannaani biologinik nunanit allaneersunik allanik suleqateqarput. Peqassutsip qanoq inneranut misissuisoqarnissaanut umiarsuarmi allattuiffinni paasissutissat aamma pingaaruteqarput.

AD 4)

Saarullinniartoqarnerani aqqissuussinerit eqqunneqarnerinut tunngatillugu oqaatigineqassaaq sinerissap qanittuani, avataasiorlunilu aalisarnerit assigiinngitsuummata. Saarulleqassutsinut aatsaat ukiuni kingullerni aallartittumik sinerissap qanittuani avataasiorlunilu aalisarnernut immikkut siunnersuisoqartalerpoq. 2009-mi siullermeertumik siunnersuinermik nassiussisoqarpoq, tasanilu saarulleqassutsit marluk avinneqarput, taamaammallu 2010-mi siullermeertumik nunap iluani saarullinnut pisassiisoqarpoq, tamatumalu kingorna taamaaliortoqartalerluni. Tamanna sioqqullugu sinerissap qanittuani aalisarnek pisassiissutinik aqqissugaanngilaq, taamaallaalu silap pissusaata qanoq inneranik killilersugaalluni.

Avataasiorluni saarullinniarnermi aqqissuussinerit atorneqartuarsimapput, ilaatigut EU-mik aalisarnermik isumaqatigiisutit suliffissaqartitsiniarnerillu eqqarsaatigalugit. Ukiuni kingulliunerusuni avataasiorluni saarullinniarnermut aqutsinissamut pilersaarusiortoqartarsimavoq.

AD 5)

Saarullik silap pissusaata qanoq inneranik sunnertillaqqissuuvoq. Ukiuni qulikkaanni amerlaqisuni saarullit amerlasoorsuullutik imartatsinniissimagualutik ukiumiit

ukiumut kalaallit imartaanniit 1980-ikkut qiteqqunneranni tammarput. Tamatuma kingorna ukiut arlallit allortarlugit angisuut amerlanngitsut takkukkaluarput, ilaatigut 84-ernisat. Ukiunili kingulliunerusuni saarulliit ajunngitsumik ineriartulersimapput, peqqassuserlu pillugu biologit amerlanernik ilisimasaqalersimapput, tamannalu ilaatigut aqutugalugu ICES-ip avataasiorluni aalisarnermi saarullinnut pisassiissutit kitaanut tunumullu avittariaqarsimallugit.

Avataasiorluni aalisarnermi aqutsinissamut pilersaarutit mianersoqqusinernik sumiiffinnillu matoqqusinernik, siamasissumik aalisaaqusinernik kiisalu suffinerup nalaani aalisaaqusinnginnermik ilaqarsimapput, tamakkulu saarulleqassutsip ineriartornissaanut ajunngitsumik sunniuteqarsimapput. Avataasiorluni saarullinniarnermi misiligutissanik tiguisoqartarnissaanut aamma piumasaqaateqarsimavoq, taamaaliornikkut kalaallit imartaanni biologit annerusumik ilisimasaqalernissaat qulakkeerniarlugu.

Naalackersuisut taamatut ajunngitsumik ineriartorneq ingerlaannassasoq kissaatigaat, saarulleqassuserlu pillugu ilisimasat amerliartuinnassasut, tamakkulu pissutigalugit ineriartorneq qanimut malinnaaffigineqarpoq, TAC-ilu iluarsiiqqineqassanersoq ukiut tamaasa nalilersorneqartarluni

AD 6)

Saarullik oqaatigineqareersutut silap pissusaata allanngoriartorneranik assut sunnerneqarsimavoq, ilaatigullu aqutsinissamut pilersaarutit aqutugalugit amerliartulersimagunarput, pingaartumik Tunumi nunap iluani. Kitaata avataani saarulliit amerlinissaannut suli utaqqisariaqassaagut. Saarulleqassutsit aqunnerisigut ineriartornermik Naalackersuisut aqutsiniarsaripput, silalli pissusaa suli apeqqutaanerpaavoq.

AD 7) Saarullinnut pisassiissutit qaffannerisigut sunniisoqarsimassappat tamanna biologit siunnersuinerisigut aalisarnikkullu takuneqarsinnaassaaq. Saarullinnik aqutsinissamut 2014-2016-imut Pilersaarummi aqutsinertigut saarullinni ikileriartoqartillugu amerleriartoqartillugulu suliarineqareerpoq. Sinerissap qanittuani pisassiissutit pineqartillugit biologit aalisartullu ilisimasaasigut oqimaaqatigiissitsineq aallaavigalugu naliliisoqarumaarluni. Naalackersuisut TAC-it aalisarnermi ineriartorneq biologillu siunnersuineri kiisalu aqutsinissamut pilersaarutaasinnaasut, aqutsinissallu tungaatigut suliniutaasut allat aqutugalugit ukiumiit ukiumut iluarsiiqqisarpaat. Aalisakkanut allanut TAC-it aalajangersartarnerat aamma taama ingerlanneqarpoq.

Inussiarnersumik inuulluaqqusillunga

Karl-Kristian Kruse